

玉

海

二十一

平
米
三
斗
一
升

玉海卷第四十一

浚儀王應麟伯厚甫

藝文

續春秋

又見編年

古者謂史記爲春秋後世有所著述多托春秋之名其屬辭比事不與春秋相似非史策之正也

夏殷春秋

史通案汲冢璣語記太丁時事曰爲夏殷春秋

後漢注竹

書紀年曰太丁四年七年十一年云云

璣語又有晉春秋記獻公十七

年事竹書紀年其所記事皆與魯春秋同孟子曰晉

乘楚檣杙魯春秋其實一也故墨子曰吾見百國春秋
汲冢所得書尋亦亡逸今惟紀年瑣語師春在焉

隋志古文璣語四卷汲冢書 春秋正義水經注引

瑣語

周春秋

周語注周春秋曰 云云

晏子春秋

史記晏平仲嬰萊之夷維人事齊靈莊景公以節儉

力行重於齊太史公曰吾讀晏子春秋 漢志儒家

晏子八篇

名嬰相齊景公

隋志

唐志同

儒家晏子春

秋七卷

晏嬰
儒家之首

書目十二卷

崇文
目司或以爲後人

采嬰行事爲書故卷頗多於前志 晁氏志著其行

事及諫諍之言昔司馬遷讀而高之而莫知其所以

爲書或曰晏子之後爲之 柳宗元辯曰疑其墨子

之徒有齊人者爲之言問棗及古冶子等尤怪誕後

之錄諸子書宜列之墨家非晏子爲墨也爲是書者

墨之道 禮記投壺注引晏子春秋

呂氏春秋 呂覽

史記呂不韋傳

始皇
初

不韋爲相食客三千人是時諸

侯多辯士如荀卿之徒著書布天下呂不韋乃使其

客人人著所聞集論以為八覽六論十二紀二十餘

萬言

高誘云訓解各十餘萬言

以為備天地萬物古今之事號曰

呂氏春秋布咸陽市門懸千金其上延諸侯遊士賓

客有能增損一字者與千金

時人無一能損增其書

諸侯年表呂不韋秦莊襄王相亦上觀尚古刪拾

春秋六國事以為八覽

八十六篇

六論

三十二篇

十二紀

凡六十一

篇為呂氏春秋

不韋春秋成于始皇八年曰維秦八年歲在涒灘秋甲子朔日良人請問

十二紀此其書成之歲月也

漢書司馬遷傳不韋遷蜀世傳呂

覽注蘇林曰呂氏春秋篇名八覽

藝文志雜家呂

氏春秋二十六篇注秦丞相不韋輯智畧士作唐

志雜家呂氏春秋二十六卷高誘注 高誘序曰以
道德爲標的以無爲爲紀綱以忠義爲品式以多方
爲檢格與孟軻荀卿淮南揚雄相表裏也爲之解以
述古儒之旨凡十七萬三千五十四言 書目是書
凡百六十篇以月紀爲首故以春秋名書十二紀篇
首與月令
同 禮運注呂氏說月令而謂之春秋事類相近焉

虞氏春秋

史記諸侯年表

又虞卿
有傳

趙孝成王時其相虞卿著書

上採春秋下觀近世曰節義稱號揣摩政謀凡八篇
以刺譏國家得失世傳之曰虞氏春秋太史公曰虞

卿非窮愁不能著書以自見於後世 漢志春秋有

虞氏微傳二篇

趙相虞卿

儒家虞氏春秋十五篇

史記

八篇志十五篇未詳

李氏春秋二篇

孔叢子虞卿著書名曰

春秋魏齊曰無然也春秋孔聖所以名經也今子之

書大抵談說而已亦以為名何答曰經者取其常事

也可常則為經矣且不為孔子其無經乎齊問子順

曰魯之史記曰春秋春秋因以名焉又晏子之書亦

曰春秋注虞卿遊說之上為趙孝成王上卿後與魏

齊間行去趙困於大梁不得志乃著書

云云語出

本傳

史通晏子虞卿呂氏陸賈其書篇第本無年月而亦

謂春秋

吳越春秋

越絕書

後漢趙曄傳著吳越春秋詩細歷神淵蔡邕至會稽
讀詩細而歎息以為長於論衡邕還京師傳之學者

咸誦習焉

晉書楊方補高梁

涼

太守在郡積年著

五經鉤沉更撰吳越春秋并雜文行於世

隋志雜

史類吳越春秋十二卷趙曄撰吳越春秋削繁五卷

楊方撰

唐志云
創頌

吳越春秋十卷皇甫遵撰

唐志云吳
越春秋傳

吳越記六卷越絕相承以為子貢所作

本志越絕記
十六卷子貢

撰唐志同

中興書目十五卷十九篇

趙曄又為吳

禮疏引越傳

後漢書注引越絕

越春秋其屬辭比事皆不與春秋史記漢書相似蓋
率爾而作非史策之正也 中興書目吳越春秋十
卷內吳外越以紀其事吳起太伯止闔閭越起無余
止句踐 崇文目越絕書有內紀八外傳十七文題
舛缺纔二十篇 書目或云子貢子胥然載春申君
及紀年至建武二十八年疑後人續成今存十九篇
十五卷第一卷荆平王內傳二外傳記吳地三吳內
傳四計倪內經五請釋內傳六外傳策考七外傳記
范伯內傳陳成常八外傳記地傳九外傳計倪十外
傳記吳王占夢十一外傳記寶劍十二內經九術外

傳記軍氣十三外傳枕中十四外傳春中君德序外

傳十五篇敘外傳

第一卷 越絕外傳本事 一篇此其爲十六卷歟

魯後春秋

唐志雜史劉允濟魯後春秋二十卷 劉允濟傳中

宗時遷著作佐郎采魯哀公後十二世接戰國爲魯
後春秋獻之允濟嘗曰史官善惡必書使驕主賊臣
懼此權顧輕哉而班生受金陳壽求米僕乃視之如
浮雲耳

戰國春秋

北齊書李樞撰戰國春秋及音譜 隋志戰國春秋

二十卷李槃撰

古史及霸史舊志
編年唐志偽史

左史六卷李槃

撰雜史

楚漢春秋

後班彪傳漢興定天下太中大夫陸賈記錄時功作

楚漢春秋九篇

藝文志春秋家楚漢春秋九篇陸

賈所記

隋志雜史楚漢春秋九卷陸賈撰述誅鋤

秦項之事司馬遷述楚漢春秋接其後事

漢春秋

明帝紀永平十五年祠仲尼注漢春秋曰帝時升廟

立羣臣中庭北面皆再拜帝進爵而後坐

志元和八

年祠孔子注漢晉春秋曰闕里仲尼之故宅云云

光武紀建武五年注案范曄序例云帝紀畧依春秋
唯字彗日食地震書餘悉備於志 司馬遷傳太史

公注如淳曰漢儀注太史公武帝置位在丞相上天
下計書先上太史副上丞相序事如古春秋 晁錯

策刻於玉版藏於金匱歷之春秋 楊惲傳天陰不

雨此春秋所記夏侯君所言也注張晏曰漢史記勝

所言故曰春秋所記 敘傳爲春秋考紀

東漢之初春秋之名

尚存

王命論垂策書於春秋注師古曰史書記事之

總稱 唐志雜史孔衍漢春秋十卷後漢春秋六卷

袁晔獻帝春秋十卷

魏志注引袁晔獻帝春秋

國史志胡旦漢春秋百卷問答一卷

因四百年行事立褒貶以儆春

秋

淳化五年旦自言願給借館吏繕寫帝曰褒貶出

於胸臆豈得容易流傳祥符三年謝泌又爲言敕襄州給紙寫天聖中獻之仁宗稱歎遷旦祕書監

漢晉春秋

見編年

漢魏春秋

晉習鑿齒傳爲滎陽太守在郡著漢晉春秋起漢光武終晉愍帝於三國之時蜀以宗室爲正魏氏雖受漢禪晉尙爲篡逆至文帝平蜀乃爲漢亡而晉始興凡五十四卷

唐志同

隋志漢魏春秋九卷孔舒元

撰蜀魏志注引孔漢晉陽秋四十七卷訖愍帝習鑿

齒撰

魏氏春秋 晉陽秋

晉孫盛傳篤學不倦著魏氏春秋

隋氏二十卷古史晉陽秋

隋志二十三卷迄哀詞直理正咸稱良史

直書枋頭

帝

一作三十二卷

之事 桓溫見之怒其子請刪改之盛不可子遂私改

之太元中孝武博求異聞始得別本於遼東考校多

不同書遂兩存 書目晉陽秋孫盛撰隋志本二十

二卷今止存宣帝一卷懷帝下一卷唐人所書康帝

一卷餘亡盛不名春秋而曰陽秋者避鄭太后名也

唐志編年類孫盛魏武春秋二十卷鄧粲晉陽秋

三十二卷

本傳粲著元明紀十篇

檀道鸞晉春秋二十卷

隋志云續

晉陽秋

雜史類孫壽魏陽秋異同八卷

王韶之私撰

晉安帝陽秋除著作佐郎使續後事訖義熙九年善敘事辭論可觀爲後代佳史

三國春秋

唐志雜史員半千三國春秋二十卷崔良佐三國春

秋卷亡

良佐深州安平人日用從子門人謚曰眞文孝父

晉九州春秋

隋志雜史九州春秋十卷司馬彪撰記漢末事

唐志

九卷

書目紀漢末州郡之亂司冀充徐青荆揚涼

幽九州各一篇

司馬彪

高陽王陸之長子

專精學

術泰始中爲祕書丞注莊子作九州春秋

三國志引

之

吳志注臣松之案太康八年廣州大中正王範

上交廣二州春秋

玄晏春秋

舊唐志雜傳玄晏春秋二卷皇甫謐撰

晉皇甫謐

傳謐自號玄晏先生撰玄晏春秋重於世

任子春秋

晉杜夷傳兄松字行高有志節惠帝時俗多浮僞著

任子春秋以刺之

晉春秋後語

史通孔衍

字舒元

以戰國策所書未爲盡善乃引太史

公所記參其異同刪彼二家聚爲一錄號爲春秋後語除二周及宋衛中山所留者七國而已始自秦孝公終於楚漢之際比於春秋亦盡二百四十餘年行事始衍撰春秋時國語復撰春秋後語勒成二書各爲十卷今行世者唯後語存焉

書目十卷

唐志雜

史孔衍春秋時國語春秋後國語各十卷漢春秋十卷後漢春秋六卷後魏春秋九卷通鑑外紀引後